



Broj: 02-23-2588/20-1
Datum: 11.09.2020. godine

Na osnovu člana 24. Zakona o cestovnom prijevozu F BiH („Službene novine F BiH“, broj: 28/06 i 2/10), člana 4. Pravilnika o kriterijima, postupku i načinu usklađivanja registracije i ovjere redova vožnje, te sadržaju i načinu vođenja registra („Službene novine F BiH“, broj: 79/13, 91/14, 98/14 84/15) Općinski načelnik donosi

RJEŠENJE

o pokretanju postupka odobravanja i registracije redova vožnje na linijski prevoz putnika sa područja općine Zavidovići za 2020-2023. godinu

Član 1.

Pokreće se postupak odobravanja redova vožnje za linijski prevoz putnika na području općine Zavidovići za 2020. -2023. godine.

Član 2.

Predmet ovog Rješenja je odobravanje linija autobusnog javnog prevoza za općinske linije kako je definisano po relacijama Daljinarom i minimalnim vremenima vožnje za autobuske linije na području Federacije Bosne i Hercegovine (ZDK, područje općine Zavidovići).

Član 3.

Postupak odobravanja iz člana 1. ovog Rješenja obaviti će Komisija za odobravanje i registraciju redova vožnje na linijski prevoz putnika sa područja općine Zavidovići za 2020-2023. godinu.

Datum početka i završetka rada Komisije iz stava (1) ovog člana, rok za dostavu izještaja nadležnom organu za usklađivanje i registraciju redova vožnje bit će propisan posebnim rješenjem.

Član 4.

Visina naknade za troškove provođenja odobravanja redova vožnje za svaki predloženi polazak, odnosno za svaki predloženi povratak iznosi 20,00KM.

Visina naknade za troškove rješavanja prigovora u postupku odobravanja prijedloga redova vožnje za svaki predloženi polazak, odnosno za svaki predloženi povratak iznosi 15,00 KM.

Član 5.

Sredstva se uplaćuju na žiro račun općine Zavidovići broj: 1020320000027070, vrsta prihoda 723139, broj općine 102, sa naznakom „za odobravanje i registraciju redova vožnje općinskih linija.

Član 6.

Javni oglas o pokretanju postupka odobravanja i registracije redova vožnje za linijski prevoz putnika na općinskim autobusnim linijama, objavit će se u Službenim novinama FBiH, u jednom pisanom mediju-dnevnom listu koji se distribuira na području cijele Federacije BiH, oglasnoj tabli općine i na web stranici općine Zavidovići www.zavidovici.ba.

Član 7.

Rješenje stupa na snagu danom donošenja.

OPĆINSKI NAČELNIK

Dr.sci. Hašim Mujanović

DOSTAVLJENO:

1. članovima komisije
2. oglasna tabla
3. u spis
4. a/a

O b r a z l o ž e n j e

Zahtjevom za odobravanjem redova vožnje koji se ne nalaze u Registru redova vožnje općinskih linija, Općini Zavidovići obratio zainteresovani prevoznik A.Š. „GARE“ d.o.o. Zavidovići.

Podnosilac zahtjeva uz zahtjev je dostavio Elaborat opravdanosti prijedloga voznih redova i proveo istraživanje tržišta u skladu sa članom 35. stav (5) Pravilnika o načinu, kriterijima i postupku usaglašavanja, ovjeri i registrovanju voznih redova, te sadržaju i načinu vođenja registra („Službene novine Federacije BiH“, broj: 79/13, 91/14, 98/14 i 84/15).

Imajući u vidu da je PD „Pevoz putnika“ d.o.o. Zavidovići u skladu sa Uputstvo o načinu realizacije obustavljanja polazaka, povrataka, odnosno voznih redova u uvjetima proglašene nesreće izazvane pandemijom korona virusa (COVID 19) i etapnog početka održavanja javnog linijskog prevoza putnika broj: 01/6-27-796-1/20 od 14.05.2020. godine doneseno od strane Federalnog ministarstva prometa i komunikacija do 31.12.2020. godine obustavilo obavljanje linijskog prevoza, ukazala se potreba za odobravanjem voznih redova koji se ne nalaze u Registru voznih redova općinskih linija.

Naime, članom 35. stav (1) Pravilnika određeno je: „Ako zainteresovani prevoznik na osnovu odredbi člana 33. stav (1) ovog Pravilnika podnese nadležnom organu za odobravanje voznog reda, koji se ne nalazi u Registru voznih redova tog ranga linija, tada nadležni organ za registrovanje voznog red, u rokovima određenim odredbama stava (2) ovog člana, javnim pozivom u skladu sa odredbama člana 5. stav (2) ovog Pravilnika obavještava zainteresovane prevoznike o postupku odobravanja ovakvog voznog reda.“

Članom 35. stav (2) Pravilnika određeno je: „Zahtjev iz stava (1) ovog člana može se podnijeti nadležnom organu, koji vrši registrovanje voznih redova tog ranga linija, koji je obavezan da u aprilu i septembru tekuće godine pokrene postupak u skladu sa odredbama ovog Pravilnika za zahtjeve pristigle u tom periodu.“

Imajući u vidu naprijed navedeno doneseno je rješenje kao u dispozitivu.

OPĆINSKI NAČELNIK

Dr.sci. Hašim Mujanović

Dostavljeno:

- Podnosiocu zahtjeva
- Odsjek za budžet i finansije
- U spis
- a/a

Općina Zavidovići, Ulica Safvet-bega Bašagića broj 9, 72220 Zavidovići
Telefon: 032/206-780 info, fax: 032/206-706, www.zavidovici.ba, opcina.zavidovici@zavidovici.ba, opzdici@bih.net.ba,